

ԽՈՒՄԱՆՏԻԿԱԿԱՆԸ ԹՈՒՄԱՆՅԱՆԻ ՊՈՆԵՆՏԱՆՈՒՄ
(Բանաստեղծի երազանքը)

Ե. ՊԵՏՐՈՍՅԱՆ

Իրոք, մի՞թե տարօրինակ չի հնչում Թումանյանը և ողորդվում... հայ բանաստեղծական արվեստի՝ ռեալիստական ուղղության ամենանշանավոր դեմքի՝ ստեղծագործություններում ողորդականի որոնումը թվում է, թե ապարդյուն, անիմաստ ջանք է, լուկ մտքի խարկանք։ Այսպես է թվում առաջին հայացքից, մասնավանդ, երբ գրողի ստեղծագործական մեթոդը դիտում ենք բուրձի մեկընդմիջող կաղապարված սխեմա, առանց զրական ուղղությունների փոխադարձ ներթափանցման, անցումների։ Սակայն, բավական է խորամուխ լինել գրողի ապրած ժամանակի հասարակական կյանքի հուզող հարցերի ոլորտները, զրական երկր դիտել որպես ժամանակի հրամայական խոսք ու պահանջ, հետևաբար և պատմական երևույթ և պարզ կդառնա, որ հասարակական կյանքի թելադրանքով ստեղծագործական մեթոդի անցումը անհրաժեշտություն է դառնում անգամ արդեն որոշակիորեն ձևավորված ողորդականի կամ ռեալիստի մոտ։ Տեսականորեն հնարավոր են արդյոք ստեղծագործական մեթոդների մասնակի անցումներ, զրականության պատմությունը գիտի՞ նման փաստեր։ Անկասկած։ Հայտնի է, որ ռեալիստական արվեստի այնպիսի տիտան, որպիսին Բալդակն է, գրել է ակնհայտ ողորդական ռեալիստի կաշին՝ վեպը, ողորդական պոեզիայի մեծագույն դեմքերից՝ Բելինսկու խոսքերով կոչենք պոեզիայի Պրոմեթեոսը, Բայրոնը, ստեղծագործության վերջին շրջանում գրում է թոն ժուան՝ մեծապատիվ ռեալիստական պոեմը, զերազանցորեն ողորդական կերպով միևնույն թվականին գրում է ողորդական «Մծիրի» պոեմը և «Մեր ժամանակի հերոսը» ռեալիստական վեպը։

Նմանօրինակ փաստ կարելի է նշել և Թումանյանի ստեղծագործական կյանքում։ Հարկավ, այստեղ խոսքը Թումանյանի ստեղծագործական մեթոդի՝ ռեալիստիկ կատարված ողորդական մասնակի շեղումների, այն երանգների մասին է, որ նկատելի է բանաստեղծի որոշ երկերում, առանձնակի դեղեցկություն ու հմայք հաղորդելով նրա պոեզիային։

Այսպես, 1880-ական թվականներին գրած հանրահայտ «Գութանի երգը», «Էին օրհնություն», «Մարտ», «Լոռեցի Սաքոն» ռեալիստական ստեղծագործություններից հետո 90-ական թվականներին սոցիալական հակասությունների սրման և հայկական հուզումների, ազատագրական պայքարի նոր շրջանում գրում է ռեալիստական «Հառաչանք» և «Էին կոիլը» ողորդական պոեմները։ Նկատենք, որ Թումանյանը մենակ չէր։ 90-ական թվականներին, արևմտահայության ազատագրական բաղձանքների, տառապանքների ու անլույս շարդերի շրջանում, հայ իրականությունը շնչում էր այդ ամենով։ Արևմտահայ ժողովրդի սոցիալական կյանքը պատկերող Վ. Փափազյանի, Ա. Ահարոնյանի ցնցող պատմվածքները, Թումանյանի «Էին կոիլը», Իսահակյանի «Դե սուլ-

թանր և մանուկ Հայաստանը» պոեմները հայկական արյունոտ դատի գեղարվեստական մարմնավորումն էին: Այգ գրականության և կյանքի, գրողի և ժողովրդի բախտի միասնության արտահայտությունն էին: Սկզբնավորվելով դարասկզբին, հայկական ողմանտիզմը իր դարգացման բարձրակետին հասավ Պատկանյանի և Րաֆֆու ստեղծագործություններում: Րաֆֆու և Պատկանյանի ազատաբաղձ, մարտաշունչ ողմանտիզմի պաթոսը սուլթանիզմի լծից հայության ազատագրությունն է: Րաֆֆու և Պատկանյանի բուռն ստեղծագործական տարիներին և նրանցից հետո, արևմտահայ ազատագրական շարժումը ծավալվում էր հայ ժողովրդի համար ծայրահեղորեն անսպաստ քաղաքական հանգամանքներում: Համընդհանուր հուսահատության, հիասթափության և նվիրական վսեմ բաղձանքների խորտակման դառ խոստովանություն է 90-ական թվականներին գրած Թումանյանի «Հին կոիլը» պոեմի նախերգանքը.—

Մենք կարծում էինք թե իր շանթերով
Հսկում է աստված Սասմա սարերին,
Մենք ասում էինք՝ անթիվ նավերով
Կգան օգնության մեր ծանր օրին...
Ավա՛ղ, մեր պայծառ հույսերի համար,
Ահա խորտակված և ահա կրկին
Նայում ենք անհույս, մենակ, գալկահար
Մորթող իշնամու արյունոտ ձեռքին:

Իդեալի և իրականության խոր հակասությունից, իդեալի իրականացման անսպասելի դժվարությունից է սերվում ապագայի վառ երազանքը:

Հայկական ողմանտիզմի դարգացման շղթան Րաֆֆու մահով չի ընդհատվում. 90-ական թվականներին թեպետ և ոչ նախկին ուժով, այնուամենայնիվ, որպես կենսունակ ստեղծագործական մեթոդ, ողմանտիզմը շարունակում է իր գոյությունը և սոցիալական հաշաբերությունները, և՛ ազատագրական կոիլը պատկերող հեղինակների՝ Մուրացանի, Փափաղյանի, Ահարոնյանի երկերում: Թումանյանի «Հին կոիլը» պոեմը, մեր կարծիքով, հենց այս կարգի երկերից է, արևելահայ ողմանտիկական պոեզիայի թերևս վերջին մեծակտավ երկերից մեկը: Չի կարելի Թումանյանին կտրել նախորդ շրջանի հայ գրականության դարգացման ընդհանուր շղթայից, առավել ևս չի կարելի գաղափարական սեպ խրել և արհեստականորեն նրան բաժանել Պատկանյանից և Րաֆֆուց: Երիտասարդ Թումանյանը իր մեծ նախորդներից ժառանգել է նրանց բարձր հայրենասիրությունը, ժողովրդասիրությունը, ազատագրական կոլի վեհ իդեալները, ինչպես և կերպարի ողմանտիկական պատկերման, ողմանտիկական մտածողության առանձին մոմենտներ, երանգներ, որոնք դրսևորված են «Հին կոիլը» պոեմում: Պոեմի հերոս Վահանը հայ ողմանտիկական վիպագրության հերոսների այն սերնդից է, որ անմահացվեց Րաֆֆու հռչակավոր վեպերում: Վահանի համար գերազույն երջանկությունը կյանքը հայրենիքին նվիրաբերելն է: Տարեց ծնողների համար անհասկանալի, խորհրդավոր է նա ընկերական շրջապատով, հայրենասիրական խոհերով ու արարքներով: Վահանը մեկն է այն անձնազուհ հերոսներից, որ կարող էր ծնել այս և նախորդ տասնամյակի հայ իրականությունը:

Աշխարքի դարդը շալակն է առել,
Ամենքի համար դարդաբաշ դառել:

Այսպես է տղային բնութագրում ծերունի հայրը: Եվ մի օր էլ անսպասելիորեն հայրենասեր երիտասարդը անհետանում է. ծնողներից գաղտնի մեկնում է Արևմտահայաստան: Անհանգստանում են հարազատները. ոչ մի լուր տղայից: Առժամանակ հետո նրանք ստանում են Վահանի հուղիչ նամակը. «Այս նոր ու ահեղ ցավի աշխարհում, ...իմ կյանքը իմը չի, իմ սիրտն իմը չի»,— գրում է նա: Վահանի համախոհները ևս նրա պես հախուռն հույզերով, անձնվեր հայրենասեր երիտասարդներ են, ազատության, ժողովրդի բարօրությանը, կյանքը դրավ դրած անանուն զաղափարական հերոսներ: Իդուր չէ, որ նրանք իրենց կոչում են «ազատության որդիք»: Նրանք երգվում են իրենց ջահել կյանքը նվիրել «սև սարերի ետևում» տանջվող ժողովրդի ազատության, լավ օրվա համար:

Հե՛յ, դալիս ենք ո՛վ տանջվածներ,

Գալիս ենք մենք դինավառ,

Ծ՛վ ազատ օր և կյանք, և սեր

Ողջ բերում ենք ձեզ համար:

Որբան նվիրական ու վսեմ, որբան աղեիվ, նույնքան և կարելի է ասել անհնարին, երազային էին իդեալի իրականացման ունալ հնարավորությունները: Այստեղից սերվում է ողմանտիկականը: Եվ «Հին կոիվը» պոեմի հերոս Վահանը, մեր կարծիքով, ողմանտիկ կերպար է, զսղալիսուստիսլ: Նա միջավայրից վեր բարձրացած խոռվահույզ անհատ է: Վահանը զերծ է անհատական նկարագրից: Բանաստեղծը չի պատկերել կերպարն անհատականացնող մանրամասները: Նույնը պետք է ասել և Վահանի համախոհների մասին: Ազատության և բռնության հակադրության ու բախման վրա են խարսխված պոեմի անձնական և հասարակական հանդույցներ: Թումանյանի «Հին կոիվը» բացահայտում է ոչ միայն հայկական ողմանտիկմի ազատագրական բովանդակությունը, այլև կենսունակությունը, տեակտնությունը: Ճավոք, այն ամբողջությամբ մեղ չի հասել: Տպագրված հատվածները կասկած չեն հարուցում, որ այն կլինեն մեր ժողովրդի մղած ազատագրական հերոսկայի ու կրած տառապանքի դեղարվեստական մի հոյակապ կոթող:

Ռոմանտիկմի տեսարանները երազանքը համարել են ողմանտիկական արվեստի կարևոր առանձնահատկություններից մեկը: Կյանքում չգտնելով իդեալի իրականացման ունալ ուղիներ և հնարավորություններ, դրողը փարվում է ապագային, մտովին ստեղծում այն գյուլիչ իրականությունը, որ համապատասխանում է իր իդեալին: Միանգամայն ճիշտ է հայկական ողմանտիկմի հետադոտող Ս. Սարինյանի միտքն այն մասին, թե թայն ինչ առհասարակ բնորոշ է ողմանտիկմի բնդհանուր մտայնությանը, դա նրա ուսուպիական բնույթն էր, ևրազայնությունը» (տե՛ս «Հայկ. ողմանտիկմ», էջ 11, 1966 թ.): Բաֆֆու «եներթը» վեպի հանրածանոթ Վարդանի երազը վերոհիշյալ մտքի փայլուն ապացույց կարող է լինել:

Հայ բանաստեղծական արվեստում ոչ մի դրողի հասարակական իդեալը՝ ազատ, լի կյանքի, մարդու երջանկության մասին երազանքն այնպես ցայտուն պատկերում չի ստացել, ինչպես Թումանյանի պոեզիայում: Անշուշտ, այդ դուրկ չէր հասարակական հիմքից:

Բանաստեղծի լայնահուն ու զղաստ ունալիդմը հարստանում է ողմանտիկմի տարրերով, երանդներով, գյուլիչ երազայնությամբ, որոնք առանձնակի դեղեցկություն ու հմայք են հաղորդում նրա պոեզիային:

1913 թ. Վահան Տերյանին նվիրված ելույթում, Թումանյանը խոսելով նրա ստեղծագործության մեջ տոկա մշուշի, թախծի ու տրտմության մասին, այն խոր միաբն է արտահայտում, թե «թախծն ու երազը խորթ չեն հայի հոգուն, և մենք շատ երազկոտ ժողովուրդ ենք»։ Երազկոտ ժողովուրդ... Ի՞նչ լավ է ասված։ Այդ մեր ժողովրդի ազնվության վկայագիրն է։ Դարեր շարունակ հայ ժողովուրդը պայքարել է խաղաղ, ստեղծագործ, աղատ, ինքնուրույն կյանքի համար։ Աղատությունը եղել է նրա մշտավառ իդեալը։ Եվ դարեր շարունակ անկատար է մնացել նրա իդեալը։ Որքան ծանր է եղել ժողովրդի պատմության արյունոտ երթուղին, այնքան ամուր է նա փարվել աղատության, աղատ կյանքի երազանքին։ Այո՛, անվերջ պայքարելու, որոնելու և չգտնելու ձգտումը ժողովրդին ու նրա բանաստեղծին երազկոտ են դարձրել։ Լավ է ասել բանաստեղծը։—

Երազեցի շարունակ,
Իմ կյանքի մեջ ես մանկուց...

Ապագայի վառ երազանքը լուսավորել է ժողովրդի արյունոտ պատմության բառուղին, խանդավառել, հավատ ներշնչել բանաստեղծին։ «Հալոց լեռներում» խորունկ, սքանչելի բանաստեղծության մեջ (նախերգանքը «Հին կոիվը» պոեմի երկրորդ մասի) պատկերված է հայ ժողովրդի հերոսական, հավաքական կերպարը, նրա դժվարին արյունոտ երթուղին, ծանր, կոշմարային անցյալին ու տխուր ներկային հակադրված է դյուխիչ ու պայծառ կանչող երազային դալիքը։—

...Ու մեր աչքերը նայում են կարոտ՝
Հեռո՛ւ աստղերին
Երկնքի ծերին.
Թե ե՞րբ կբացվի պայծառ առավոտ՝
Հալոց լեռներում.
Կանաչ լեռներում։

Այստեղ գեղարվեստական հոյակապ մարմնավորում է ստացել բանաստեղծի երազանքը, որը դաժան անցյալի ու ծանր ներկայի ժխտումն է։ Ժողովրդի ստեղծագործական ուժերի նկատմամբ բանաստեղծի անկոտրում հավատը, նրա երազանքին իրական բովանդակություն է հաղորդել և այն մեղ պատկերանում է որպես հաստատ լինելիություն, որպես նվաճվելիք իրականության։ Մեծ պատերազմի թոհ ու բոհի, ժողովրդի ղանգվածային ջարդի ու տեղահանության, հայրենիքի մոխրացման տարիներին անգամ, բանաստեղծը նահատակ ժողովրդի հոգեհանգիստը կարգալով բնավ չի զաղարում երազելուց։

...Ու պիտի գա հանուր կյանքի առշալույսը վառ հագած... Հետագա տարիներին գրած մի քառյակի խոսքերը՝ թե «Ու երջանիկ ակունքներին երազուն, պոետները տենչում են ու անց կենում»։ 1917 թ. կոնկրետ գեղարվեստական մարմնավորում է ստացել նրա հայտնի քառատողում.

Իմ մուրադը շատ էր շքեղ
Դրրախտ պիտեր քաղաք ու գեղ
Նրզլ հոսեր հառաչքի տեղ,
Սերս ու բարին Արագ, Անուշ

Բանաստեղծը անդուստյ սիրով երազում է ոչ միայն իր տարաբախա ազդի, այլ հանուր մարդկության համար: Խոր մարդկայնությամբ հաղեցված շքեղ այդ երազանքը բացահայտում է Թումանյանի բարձր հումանիստական իդեալը, դեմոկրատական աշխարհայացքը:

Արվեստագետի երազանքը հակադրությունն է արյունոտ իրականության: Եվ որքան ծանր է ներկան, որքան անորոշ ու հարցականներով լի, այնքան անպարփակ ու մեծ. այնքան շքեղ է մարդու և մարդկության ապագայի մասին բանաստեղծի երազանքը:

Լինե՛ր հեռու մի անկյուն,
Լինե՛ր մանկան արդար քուն,
Երազի մեջ երջանիկ
Հաշտ ու խաղաղ մարդկություն:

Համաշխարհային պատմական մեծ դեպքերի ու ահեղ ցնցումների ժամանակ արտահայտած բանաստեղծի երազանքը բացահայտում է նրա անհանդիստ տանջալիորեն միշտ որոնող միտքը, հումանիստական աշխարհայացքը, ժողովրդի, մարդու նկատմամբ տածած խոր սերը: